

Fjármálaráðherra
Hr. Steingrímur J. Sigfússon
Fjármálaráðuneytið
Arnarhvoli
Reykjavík

Fyrverandi ríkisstjórn fór þess á leit við undirritaða í nóvember 2008 að við tækjum að okkur að vera formenn stjórna Nýja Glitnis h.f. annars vegar og Nýja Kaupþings h.f. hins vegar. Eftir nokkra umhugsun féllumst við á þessi tilmæli og þar með að leggja okkar að mörkum um endurreisin bankakerfisins á faglegum grundvelli. Samstarfið í stjórnum bankanna s.l. þrjá mánuði hefur gengið vel og allir lagt sig fram um að ná sem mestum árangri.

Nú hefur ný ríkisstjórn tekið við völdum og við það verða eðlilega pólitískar áherslubreytingar og mannabreytingar. Aðalfundi bankanna ber að halda í aprílmánuði og þá þarf að kjósa nýjar stjórnir. Okkur er ljóst að í báðum stjórnarflokkunum eru uppi óskir um mannabreytingar í stjórnum bankanna og á Alþingi í gær staðfesti forsætisráðherra að það væri til umræðu. Næstu vikur og mánuði þarf hins vegar að taka erfiðar ákvarðanir í bönkunum og mikilvægt að þeir sem taka þær ákvarðanir hafi til þess óskorað umboð og traust.

Eins og við greindum frá á fundi okkar 6. febrúar s.l. þá teljum við þess vegna rétt, með hagsmuni bankanna í huga, að skapa nú þegar svigrúm til þeirra mannabreytinga sem ríkisstjórnin kýs og segjum því hér með af okkur starfi í stjórnum Nýja Glitnis h.f. og Nýja Kaupþings h.f.

Reykjavík 10. febrúar 2009.

Með vinsemd og virðingu


Magnús Gunnarsson


Valur Valsson